

Gvangjsih Minzczuz Bau

Cawjguenj: Gvangjsih Bouxcuengh Swcigih Minzczuz Cunghgyau Swvu Veijyenzei

Cawjbanh: Gvangjsih Minzczuz Bause

Geiz neix 8 banj

广西民族报 Aenhauh okbanj: CN45-0036

B.2025 Nd.12 Ng.24

Liggaeuq ietceih nienz ndwenit cohaj Geizsoq: Gungh daih 3699 geiz

Cinz Gangh Youq Laizbinh Diuyenz, Daegbied Gangj Daengz Aeu Ciuq Saed Dingh Geiq Hwngfat Guhhung Gizdieg Gingham Doinyoengx Hwngfat Ndei Saed

12 nyied 18 hauh, Swcigih Dangveij suhgi, Swcigih Yinzda Cangveijvei cujyin Cinz Gangh haeujlaeg Laizbinh Si Hozsanh Si, Yinhwngz Yen, diuyenz gizdieg gingham hwngfat, suiqli gunghcwngz hwnqguh, guhhoengh lajmbanj, dangjgen dazyinx gihcwngz ceihleix doenghgi dieg neix.

Cinz Gangh daeuj daengz Hozsanh Guekgya Gvangsanh Gungh-yenz Bozvuzgvanj, nyinhcaen dingq lwnh Hozsanh Si swhyenzhingz hawsingz cienjhingz hwngfat caeuq canjnieb swnggaep, gvangcanj swhyenz cingjhab, gajnde ndwenngoengz bouxminz, swngghdai coihfuk doenghgi hong neix guh ndaej baenzlawz yiengh, yawjngonz huqcaen langhbaej, lizsij yingjsieng caeuq soqcihvaq langhbaej, ciengzsaed roxyiuj Hozsanh meizgvang hwngfat ginglig, haengj-dingh lailai gij cingzcik Hozsanh Si swhyenzhingz hawsingz cienjhingz hwngfat caeuq canjnieb swnggaep aeundaej haenx.

Gveicungh ceih rengx gungh-cwngz dwg aen suiqli gunghcwngz hungnaek mbaet raemx gung raemx Gozvuyen 172 aen ndawde aen ndeu,

hix dwg daengx guek 9 dieg dwkraemx lai Suijlibu dinghlaeb ndawde dieg ndeu. Youq diuzmieng faen namzbaek Gveicungh ceih rengx, Cinz Gangh nyinhcaen dingq gaisau dwkraemx cungjdaej gviveh hwnqguh caeuq yungh ndaej baenzlawz yiengh, daengz dieg cazyawj gunghcwngz seizdoeng guhlawz guenjoh, iugouz sueng ndei gij soqmoeg gingham, gij soqmoeg swngghdai, gij soqmoeg ndwenngoengz bouxminz, lai hwnqguh ndei, henhoh ndei, guenjoh ndei, yungh ndei aen suiqli gunghcwngz hungnaek neix, lai gohyoz gamcaek caeuq guenjleix aen gunghcwngz, lai yungh ndei aen gunghcwngz, hawj dieg dwkraemx vnzlai lai ndaej ndei.

Yinhwngz Yen Hungzdu Cin Luznaz Cunh doihengz aen vnuqsik guhhong "gwnz muengx guh baenz gek, gwnz biengz guh baenz gek", doihaeuj gyamaenh gij guhbaenz gunghoj duetgungz aeundaej haenx caeuq guhhoengh lajmbanj doxciep ndeindumq. Youq aen cunh neix dangjginz fuzvu cunghsinh caeuq Yez Gvei bangfuz banghwnq hanghmoeg, Cinz Gangh nyinhcaen dingq lwnh

hong, siengzsaed roxyiuj gihcwngz dangjgen, lajmbanj guenjleix, canjnieb hwngfat, coi bouxguhnaz laisou doenghgi neix, gienqmiengx boux suhgi daih' it capmbanj aeu insik seizgei, dangrap caen guh, youq lajmbanj aen dieg gvangqlangh neix raiz ciuhvunz gyaendei. Cinz Gangh daegbied gangj daengz, aeu dawzmaenh dangjgen dazyinx, caensaed ca ndei ciengzseiz fuengz dauq gungz ngaiz gungz gak loh hong, haengqrengz guh aen canjnieb ndaem gosangh ciengx nonsei daengj, baengh Dahraemxhoengz doenghgi dieg ndei neix gaenx guh baeyouz lajmbanj, laebdaeb gyamaenh gij guhbaenz gunghoj duetgungz aeundaej haenx, doihaeuj guhhoengh lajmbanj liuxliux, daezswng gihcwngz ceihleix yauq-naengz, gyavaiq hwnqguh aen lajmbanj habyouq habhong gyaendei, lai hawj vnzlai roxyinh ndaej daengz, roxyinh vuenyungz.

Cinz Gangh daegbied gangj daengz, Laizbinh Si aeu haeujlaeg doekguh gij cingsaenz Ngeihcib Gaiq Seiqcungh Cienzhohi Dangj caeuq Aen Hoih Hong Gingham Cunghyangh, doekguh gij iugouz youqgaenj mizgven

lwnhgangj hong Gvangjsih Siz Ginbingz cungsuhgi, ciuq Aen Cienzhohi Baez Cib' it Gaiq Cibngeih Swcigih anbaiz, dawzmaenh caen guh guhdaeuz, cauhmoq guh hoen, aeu cingzcik gangj vah, hawj bouxminz bingz, laeb aen cwngci' gvanh cinj-deng, dawzmaenh miz mbanj guh, miz mbanj mbouj guh, ciuq aen lohnaemj "ciuq saed dingh geiq, doxcab hwngfat, canjnieb hwng yienh, fouq minz demsou, swngghdai cuk giek, singz mbanj doxyungz", gyavaiq hwngfat guhhung gizdieg gingham, haengqrengz hwngfat aen canjnieb miz gij ndei yienhda, ragdoengh nungzyez lajmbanj rengz ak, hawj vnz ndaej bae guhhong lai de, doinyoengx it ngeih sam canjnieb doxyungz hwngfat. Aeu gohyoz maeuzveh "cibhaj haj" hwngfat, dungjcouz ca ndei gak loh hong byaibi, gvansim vnzlai gunghoj guhhong gvaq ngoenz, mbouj soeng saek di ca ndei hong ancienz guhhong, dawzdingh guhsat gaiq hong gingham sevei daengx bi, roengz giek maenhhdwd hawj "cibhaj haj" haidaeuz ndei.

(daj «Gvangjsih Yizbau» aeu daeuj genj hoiz Loz Canghlieng)

Cunghvaz Minzczuz Gungdungzdi Lijlun Yenzgiu Nem «Gvangjsih Minzczuz Yenzgiu» Cauhganh 40 Hopbi Yozsuz Yenzdaujvei Youq Nanzningz Guh

12 nyied 19 hauh, Cunghvaz Minzczuz Gungdungzdi Lijlun Yenzgiu Nem «Gvangjsih Minzczuz Yenzgiu» Cauhganh 40 Hopbi Yozsuz Yenzdaujvei youq Nanzningz guh, haeujlaeg doekguh gij cingsaenz Ngeihcib Gaiq Seiqcungh Cienzhohi Dangj caeuq gij swhsienj youqgaenj mizgven gyaak caeuq gajnde hong minzczuz Siz Ginbingz cungsuhgi, caezcaemh maeuzveh cauhlaeb aen diji lijlun Cunghvaz Minzczuz gungdungzdi, caezcaemh doxyaeng diuzroen gizganh seizdaih moq hwngfat ndei saed, caezcaemh angqhoh «Gvangjsih Minzczuz Yenzgiu» cauhganh 40 hopbi.

Yenzdaujvei gij youqgaenj dwg «Gvangjsih Minzczuz Yenzgiu» cauhganh 40 hopbi, baenzroix dauqgeix gizganh youq mwh minzczuz lijlun yenzgiu, yozsuz doxygau caeuq cwngzgoj cienzboq ndawde miz maz goenglauz, haeujlaeg yenzgiu doxyaeng gij lijlun hungnaek, yienhsaed caeuq lizsij vwndiz caeuq baihnaj yozsuz Cunghvaz Minzczuz gungdungzdi lijlun yenzgiu. Gyoengqboux lauxhangz camgya haihoih cungj nyinhnaeuz, «Gvangjsih Minzczuz Yenzgiu» cauhganh 40 bi doxdaeuj itloh laebdin minzczuz yozsuz caeuq mizgven baihnaj yozgoh, fugsah aen daihbuenz

hong minzczuz, doinyoengx yozsuz cauhmoq caeuq cwngzgoj cienzboq miz goengrengz lailai.

Aen hoih doeg le gij mingzdan benhveijvei veijyenzei gaiq moq «Gvangjsih Minzczuz Yenzgiu», «Gveicouh Minzczuz Yenzgiu» Benhcizbu, Ganhsuz Swngj Sevei Gohyozyen Cazcise, Cunghnanz Minzczuz Dayoz Yozbau Benhcizbu, «Yinznanz Minzczuz Dayoz Yozbau (Cezyoz Sevei Gohyozbanj)» Benhcizbu doenghgi danhvei neix fat saeng daeuj goenghoh, «Bwzfangh Minzczuz Dayoz Yozbau» Benhcizbu soengq huqlaex daeuj goenghoh.

Yenzdaujvei youz Gvangjsih Minzczuz Lijlun Cwngewz Yenzgisuz (Gvangjsih Minzczuz Yenzgiu Cunghsinh), «Gvangjsih Minzczuz Yenzgiu» Benhcizbu caeuq Gvangjsih Minzczuz Yenzgiu Cunghsinh Couqmaenh Gij Eiqsik Cunghvaz Minzczuz Ranz Vnz Ndeu Yenzgiu Gihdi cawjbanh, Gvangjsih Minzczuz Yenzgiu Yozvei, Gvangjsih Cangyoz Yozvei bangbanh, 100 lai boux lauxhangz yozcej ndaw gih rog gih gaudaengj yenyau, gohyenz gihgou, gizganhgai caeuq Swcigih Minzczunghveij gihgvanh ganbu daeuj camgya haihoih. (Liuz Yez Se Liengzyij)



Mungzsanh:

Gwn Ngaizhumx Angqhoh Fungsou

12 nyied 20 hauh, Mungzsanh Yen Yayiz Yauzcuz Yangh Luzhaij Cunh caez gwn ngaizhumx angqhoh fungsou, vnz ndaw mbanj gag dawz gaiqgwn daeuj, comz guh ceiz, youzcuz, gwn ngaizhumx, vnzmbanj caeuq bouxhek caez ciengq go diuq foux, caez gwn ngaizhumx, angqhoh bineix ndaej fungsou. Ndaw doz dwg vnzmbanj ciengq go angqhoh fungsou.

(Vangz Swnglinz inji)